



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gasparis Megandri Tigvrini, In epistolam Pauli ad Ephesios co[m]mentarius

Megander, Kaspar

Basileae, 1534

VD16 G 3485

Capvt II.

urn:nbn:de:hbz:466:1-36069

Dicitur Christū & Iudeos, & gentes deo patri reconciliasse, & ex utroq; populo unam ecclesiam fecisse.
et uos quum eis etis mortui &c.

Aντιλαβόμενοι id est, non absoluta sententia est. Deest enim conuiuificauit uos per Christum. Nam nihil aliud significare uult, quā quod oēs homines propter delicta & peccata æternę morti obnoxij sint: & quotquot salui futuri sint, per Christum uiuificantur.

In quibus aliquando ambulastis &c.

Exaggerat Ephesiorū peccata à rei circumstantijs: quasi diceret nō solū peccatis obnoxij fuistis, sed in illis ambulastis, hoc est, exercitati fuistis.

Iuxta seculum mundi huius.

Hoc est, quemadmodum mundus facere cōsueuit. Qualis autem mundi, hoc est, mundanorum affectus sit, Ioannis Apostolus in prima canonica sua,

C capite

34 COMMENT. IN EPIST.

capite secūdo docet: quūm inquit: Si quis diligit mundum, non est charitas patris in eo. Quoniam omne quod est in mundo, ueluti concupiscentia carnis, & concupiscentia oculorum, & fastus uitę: nō est ex patre, sed ex mūdo. Hinc itaq; doceb̄is decere eos, qui Christi nomine gaudent, ut uitā suam non iuxta seculi huius morem, sed secundum præcepta Christi, capit̄is sui, instituant.

Iuxta principem &c.

Quis mundanę, adeoq; sceleratę uitæ author sit, explicat, uidelicet diabolus, quem *κατὰ συνεδροχὴν* video in aëre regnum obtainere dicit, quod ipso Christo testante, mundi, hoc est, sceleratum omnium dux, & princeps sit. Quē admodum nanq; pīj sub Christo imperatore militant, bonis rebus obedientes; sic ē contra impīj sub diabolo scelerato

rato duce merent, dum illius iussis per
omnia obsequuntur.

Qui est spiritus.

Explicat primum qualis princeps sit
diabolus, nimirum spiritualis. Deinde
in quos dominium suū exerceat, quip-
pe in filios contumaces, qui nativo suo
principi Deo obedire nolunt, dum ne-
glecta illius doctrina, suis cupiditati-
bus seruiunt. Cæterū cur deus demo-
nibus potestatē tentandi homines de-
derit, uide Lactantium libro primo de
opificio dei capite uigesimo.

Inter quos & nos omnes &c.

Ne uideretur solos Ephesios de tran-
sactis sceleribus arguere, & ob id eos
dem offenderet. Rhetorico more, pri-
uatum illorum culpam omnibus com-
munem facit, que figura translatio à
Rhetoribus appellatur.

C 2 In

36 COMMENT. IN EPIST.

In concupiscentijs carnis nostræ.

Idest, dū eramus carnales, dū uidelicet p animi nostri libidine uiueremus, nullā rerū diuinarum rationē habētes. Caro namq; heic pro toto homine sumitur, quantus quantus, qualis qualis est. Is em̄ gratię dei expers non potest nō ea facere, quę carni, hoc est, sibi placent, iuuant, & prosunt. Id quod deus ipse Genesis octauo capite testatur, in quiēs: Sensus & cogitatio humani cor dis proclives sunt ad malum ab adulescencia sua. Et Paulus Rhomanos octauo: Affectus, seu prudentia carnis inimicitia est aduersus deum, legi diuine nō paret, siquidem ne potest quidem. Ex hoc igitur loco admonebis, hominem Christi spiritu uacuum, esse mancipium ambitionis, uoluptatis, auaritię, adeoq; omnium scelerum.

Et

Et eramus natura filii iræ &c

Hoc est, diuinæ iræ obnoxij. Estq; amplificatio per incrementum rhetorico: quasi diceret nō solum iij stipendiis apud diabolum, mundi principem faciebant, qui in manifesta sceleris eruperant: sed & iij perpetuæ damnationi obnoxii erant, qui ex transgressoribus, perfidis, & peccati mancipiis primævis nostris parentibus Adamo & Heua, orti erant, etiamsi ipsi nondū quicquam peccassent. Paulus enim pulchrè ad seruorum conditionem alludit, quorum liberi quoq; parentum culpa uacui, servitutem seruire eatenus coguntur, quantum per heri sui clementia manumitatur: Sic enim & nos eo usq; peccati mancipia esse docet, & eterne damnationi obnoxios quam per extenuationem iram dei uocant) donec Christo libertatis spiritualis assertori, ac vindici

C 5 nostro

38 COMMENT. IN EPIST.

nostro crediderimus. Obseruabis aut̄ Paulum ideo tam sollicitè deprauatam nostram naturam nobis ob oculos ponere, ut calamitate nostra, & seruitute grauissima animaduersa, piorum libertorum instar, patrono nostro & liberatori Christo eò magis gratissimus ac beneficii magnitudinem agnoscamus.

Sed deus eſt.

Ille inquam de cuius potentia supra dixi, quod tantæ potentiae fuerit, ut filium suū mortuū uitæ restituerit. Siquidem hoc præpositius articulus apud Græcos potest, ὁ θεός, aut enim ἐμφασιψ, aut cohærentiam cum præcedentibus significat, quorum posterius heic fit. Diues in misericordia, dei epithetō est, quasi diceret deus ille, qui ultra modū misericors est. Quemadmodum nanḡ diuites multarum rerū copiā habent:

ita

ita ut multa illis supersint: ita dei quoq;
misericordiam immensam esse Paulus
ostēdit. Quo circa heīc doceb̄is locum
hunc miseras conscientias mirificē con-
solari. Quum enim nemo tam pius sit,
quin multoties delinquit, ac peccet:
magna dei misericordia ope habemus
per quam peccatorum nostrorum ue-
niam consequamur.

Propter multam charitatem suam &c.

Euidens Euangeliū descriptio est per
confirmationem rhetoricaṁ. Totam
namq; iustificationis nostrae causam &
uim describit. Siquidem deus pater pri-
ma, & efficiens illius causa fuit, qui (ut
Christus ipse Ioannis tertio testatur)
mundum adeō dilexit, ut filium suum
unigenitum daret, per quem omnes,
qui in eum credituri essent salui fierēt.

Eiam quum essemus mortui per delicta.

Exaggerat dilectionē dei erga nos,

C 4 idq;

40 COMMENT. IN EPIST.

idq; per amplificationem à circunstan-
tiis personarum: quasi diceret tum in-
quam dilexit nos, cum peccatis obruti,
& ut Rhomanos quinto inquit, inimi-
ci ipsius essemus.

simulq; cum eo resuscitauit.

Quandoquidem supra in Christi
capitis nostri conditione copiosius de
resurrectione illius diximus, hec eam
paucis absoluemus. Qui in Christo est
& anima & corpore resurget, ad cœlū
quoq; sicut ille ascendet, & ad dextram
patris confedebit. Nisi manelis de re-
surrectiōe spirituali *naturā* & *vitae* intel-
ligere, ut carnali homini & mortuo p
delicta opponatur. Cuius mysterium
idem Paulus Rhomanos sexto egre-
gie describit. Secundum quem se nsum
deinde docere poteris, qualis uita spi-
ritualem, ac nouū hominem deceat,
nimirū ea, quæ spiritus sancti fructus
edat

ædat, de quibus Galat. quinto.

Vt ostenderet in seculis.

Per occupationem tacitæ quæstiōni respondet. Quum enim aliquis interrogasset, quamobrem deus nos tan ti faceret, ut cum filio suo inter cœlestes collocaturus sit, idèo inquit Paulus, ut olim gratuitum illius beneficiū in nos collatum, agnosceremus. Atq; ita idem heic dicit: quod Rhomano rum nono: cum inquit: *Vt notas face ret diuitias gratiæ suæ erga uasa misericordiæ.* Quā diu nanc heic sumus, omnia diuina tang in speculo, & per ænigma cernimus: in futuro autē se culo facie ad faciē, id est, clarissimè omnia perspiciemus, ut idem Paulus 1. Cor 15. testatur. Neq; uero illis magnopere contradixerim, qui hanc gratiæ opulentia ad tempus reuelati Euā gelij referunt: propterea quod per il-

C 5 lud

42 COMMENT. IN EPIST.

Iud miram dei munificentiam experi-
amur. Quis enim non ingentes, diuiti-
as uocauerit, imò omnium diuitiarū
scaturiginem, dum cognoscimus no-
bis credentibus Christum non solum
peccata remitti, atq; cœlestis regni he-
redes fieri: sed per omnes terræ fineis
uocari, & allici, quotquot laborant, &
onerati sunt, idq; gratis, & nullo no-
stro merito. Quod equidē diuini pro-
phetæ ante multa secula prædixere,
in primis autem Heremias capite 31.
Vbi futurum esse præcinit, ut aliqui
ex omnibus gentibus dominum agni-
turisint: id quod nimirum per Evan-
gelicam prædicationem factum est, &
usque ad mundi finem futurum fiet.
Atq; ita uterq; sensus tolerari potest.
Prior namq; cum præcedentibus ma-
gis conuenit, posterior autem cum se-
quentibus.

Gratia

Gratia.

Elegans τροπατός ασις est, quomo-
do deus eminētem opulentiam suam
ergā nos ostēderit, uidelicet dum per
merā gratiā suā nos ab æterna morte
seruauit: idq; per fiduciam in Iesum
Christum, quę diuinę gratię nobis im-
pertitæ certissima nota est in cordibus
nostris. Cæterū fides, de qua heic Pau-
lus agit, unius ueri, ac omnipotentis
dei cognitio, ac firma in eundem fidu-
cia per Christum Iesum. Ex qua de-
finitione patet, eos non uerè fideles
esse, qui uerbis dūtaxat unum deum,
& filium eius Iesum Christum profi-
tentur, re ipsa multos deos, hoc est, di-
uos, patronos suos, & reliquas creatu-
ras de iloco uenerātur & colunt. Chri-
stus enim (teste eodem Paulo primo
Timothei secundo) unicus dei, ac ho-
minum mediator est,

Idq;

44 COMMENT. IN EPIST.

Idq; non ex uobis.

Quasi diceret Paulus , per gratiam quidem dei , mediāte fiducia in Christum Iesum saluati estis , at illa uirium uestrarum , & meriti non est, sed gratum dei donum . Quod autē subdit: Non ex operibus, ne quis glorietur, omne heīc meritum tollit, quemadmodum & in Rhom. capite undecimo facit, cum inquit: Quod si per gratiam, non iam ex operibus. Quandoquidē gratia, iam non est gratia. Sin ex operibus, non iam est gratia. Quandoquidē opus iam non est opus. Cæterū quod Paulus gratuitam dei beneficentiam per rhetorican expolitionem toties Ephesijs inculcat, non temerē factum est. Norat em̄ uir diuinus uir humani ingenij arrogantiam, & presertim sue gentis supercilium, quæ benefactis suis iustificandi uim tribueret, quum ea sol us

solius deisit, qui misereſt, cuius, & quādo uult. Propterea tam multus ubiq̄ fermē in suis epistolis est in eradicādo hoc errore, adeo ut in Galatis scribat: Christum fruſtrā mortuum esse, si per nostra opera iustificatio nobis eueniat. Ideoq; hinc docendum est, Christū ab ijs prorsus euacuari, et irritam illius mortem fieri, qui per missarum ſacrificia, ſeu alia opera meritoria, ſaluari uolunt: id quod ex nono & decimo capite Epistolæ ad Hebræos liquido probari potest.

Nam ipſius ſumus opus.

Per antypophoram tacitæ obiectiōni occurrit, ad hunc namq; modum quis obiecerit. Quod si per unicā dei gratiam iustificamur, nō igitur opus erit, quicquā boni amplius facere. Minime gentium, inquit Paulus, ipſius nanq; ſigmentum, & opus ſumus, in hoc

46 COMMENT. IN EPIST.

hoc & facti, & conditi, ut bene de ipso
mereamur, dum iussis illius obsequi-
mur. Bene autem de ipso meremur,
& illius dicto audientes sumus, quādo
ipsum ex tota anima, mēte & corde di-
ligimus, & proximum sicut nos ipsos.
Porrō is deimū gratia dei, & fiducia in
Christū Iesum p̄ditus est, qui eiusmo-
di fructus ædere pro sua uirili conat.
Ec contra qui Christum, & Euangeli-
um in lingua dūtaxat habet, nihil autē
dignum illis facit, ille gratiam dei, no-
bis per Christū exhibat frustra iactat.
Atq̄ ita Paulus hēc nihil aliud agit,
quām quod Iacobus in sua epistola ca-
pite secūdo ubi ait: Fides sine operibus
mortua est. Quē tamē locū nō solū pa-
pistę, sed etiā preposteri quidam Euā-
gelistę, partim ad meritū humanū de-
fendendū detorquent, partim multis
conuictijs proscindūt. Qua de re nō est
opus, ut plurimi agamus, quū nō mi-

nus docte, quā piæ Huldrychi Zuinglij annotationes extēt, quæ Iacobi mētem probè explicant.

ut in eis ambulare u.

Quum supra ab initio istius cap. dixisset: Ephesios in peccatis ambulasse, nunc per antīhesim ait: dicere omnes eos, qui se de gratia & fiducia in Christū uēditāt, in bonis opibus ambulare, hoc est, bonorū operū studiosos esse.

Quia propter mementote.

Epilogus est particularis. Nā cū ad finē primi capititis dixisset: Christū ecclesiæ caput esse, & ab initio secundi capititis, docuisset Epesios, atque adeò nos omneis, peccatis mortuos esse, & per Christi mortem uitæ æternæ restitutos: nunc concludit, atq; alijs uerbis, gentium in rebus diuinis miseriā repetens, docet Christum ita caput ecclesiæ factum esse, ut ex gentili,

& Iuda

48 COMMENT. IN EPIST.

& Iudaico populo in ipsum credēte u-
nam, & eandem contionem coēgerit.
Atque hec altera istius capitis pars est,
quemadmodum supra monuimus.

Gentes in carne.

Idest, gētes carnales, adeoque omni-
bus carnalibus affectibus dedit*e* iuxta
illud Genesis sexto: Non permanebit
spiritus meus in homine, quia caro est.
Vocabimini preputium, hoc est, gens
prophana, & detestanda. Ab ea, que
vocabatur circuncis*io* in carne, hoc
est, à Iudaeis, quorum pellicula glādis
tantummodo circuncisa erat, cor autē
incircūcis*um*. Est enim metonymia,
signum pro re signata. Vulchre autem
carnalem circūcisionem, & aeternam
spirituali & internae opponit, de qui-
bus Paulus Rhomanorum secundo:
Vbi tu docebis nos planè in hoc Iuda-
izare cū de baptisi*m*i, & eucharisti*e* fa-
cramen*tis*

eramentis multū gloriāmūr, utriusq; autem mysterium parui facimus. Quē admodum nanq; illi magnam operam dabant, ut circunciderentur, & agno pascali uescerentur, interim uero cor, labia, & manus immunda erant, & deo pro innumeris in se beneficijs malē grati: sic & nos baptizamur, mensam domini celebramus: at interim nemo est, qui baptismi mysterium recolat, uidelicet ut delictis moriatur, unā cum Christo sepeliat, & à uita scelerata resurgat, aut qui ex animo gratias agat Christo pro sui redemptione, & qui eius amorem erga nos, in proximo diligendo imitef. Quo fit ut pleriq; fucati tantum modo Christiani simus, quemadmodū illi titulotenus Iudei erant.

sine Christo.

Hoc est, sine rege spirituali, qui conscientias uestras regeret, fuistis enim

D exleges

50 COMMENT. IN EPIST.

exleges. Quod autē per Christum, con-
scientiarum regem intelligo, hinc fit,
quod $\chi\rho\sigma\tau\circ\delta$ unctum significat, qua ra-
tione Christus ideo sic cognominatus
est, quod consciētarū nostrarū rex est:
& quod sacerdos sit secundum ordinē
Melchizædek, hoc est, iugibus preci-
bus pro nobis apud deum patrē inter-
pellet. Porrò quemadmodum Ephesij
quondā sine Christo fuerunt, sic & nos
tametsi Christiani hactenus appellare-
mur, tamen Christianissimi uim usq;
ad restorationem Euangelij nesciu-
mus.

Ab alienati à republica Israhelis.

Elegans metaphora est à iure ciuita-
ris sumpta: quasi diceret Paulus: Vos
qui olim nullis priuilegiis Israhelitice
ciuitatis fruebamini, quam dominus si
bi peculiariter ex omnibus gentibus e-
legerat. Cæterum existimo Paulū heic
&

& de carnali & de spirituali Israhele lo-
qui, propterea quod uterque testamen-
ta, & promissiones, ut mox sequuntur, sed
alter duntaxat spem in deum fixam, habuerit.

Extranei à testamentis promissionis.

Per expolitionem rhetoricae alii atque
aliis modis recte eandem explicat. Quem em
nunc dicit Ephesios testamentorum pro
missionis expertus fuisse, exponit claus
rius quid sit à republica Israhelis ab aliena
natum esse. Nisi tu malis esse distribu
tionem generis in species, facies me non
admodum repugnante. Ceterum per
testamentum hec nihil aliud intelligo
quam gratuitam peccatorum remissio
nem, de quo Hieremiæ trigesimopri
mo sic scribitur: Ecce dies ueniens, dicit
dominus, & feria domui Israhel, & do
mui Iuda foedus nouum &c. Observa
bis autem quam pulchre in metapho
ra à republica sumpta persistet: nulla enim

D 2 respub.

52 COMMENT. IN EPIST.

respublica tam deplorata nunquam fu-
it, quin suas leges, priuilegia, & edicta
quædam peculiaria habuerit. At quū
deus ipse populo suo leges præscrip-
rit, easq; Mosi ministerio tulerit, nulla
unquā fuit respublica que melioribus,
& æquioribus legibus usa sit. Hinc fa-
ctum est, cur Paulus heic testamento-
rum, & promissionum mentionem fe-
cerit.

Spem non habentes &c.

Quasi diceret: quāuis ēterno dei con-
silio ad hanc rempublicā præordinati
essetis, tamen dominus id cōsiliu uobis
nondum patefecerat, id quod ex eoli-
quet, quod nullam in deum spem ha-
buiſtis.

Dcoq; carentes in mundo.

Vt, inquit, summatim omnia com-
prehendam, uerum deum non colui-
ſtis. Atq; ita tēctis uerbis idolatriā eis
exprobat

exprobat. Quod autem addit, in mundo, hinc factum uideri potest, quod iuxta eternam electionem, dei cultores essent, interim tamen iuxta mundi ritum uariis diuis litantes, idololatræ essent, adeoque uero deo carerent. Heic, si personarum, loci, & temporis ratio postulat, & in nostram idolatriam inuehi poteris, qua in papatu usi simus.

Per sanguinem Christi.

Quasi diceret nullis uestris meritis, nec argento, nec auro, cœlestis ciuitatis ciues facti estis, sed pretioso Christi sanguine. Duo autem discenda esseputo, primo, quod solo Christi merito nobis aditus ad cœlestem regnum pateat, si salutis nostre ancoram, & firmam fiduciam in illum posuerimus. Deinde humanum meritum ex hoc loco, & ad Hebreos nono nihil esse, liquidò patere.

D ; Ipse

54 COMMENT. IN EPIST.

Ipse enim est pax nostra.

Quū ab initio istius capitatis dixisset Paulus, nos secundum depravatā nostram naturam irę dei obnoxios esse: nunc cōmoda antithesi pacem illi opponit, quam Christus inter deum patrem, & genus humanū fecit. Ille nāque sequester, arbiter, adeoque iustificatio, satisfactio, & expiatio nostri unica est.

Qui fecit ex utrisque unum.

Per anthypophorā tacitae questio- ni respondet. Sic enim Ephesii, adeoque omnes gentes quesiissent ex Paulo. Quomodo uerisimile est nos per Christi sanguinem, dei propinquos esse factos, & cum eo in gratiam rediisse, quū omnes illius promissiones ad Israheliti cum populum solummodo spectent. Hoc, inquit, modo, quod Christus ex duabus diuersissimis populis, unum fecit, ita ut iam quicunque in illum credūt,
cuiuscunque

cuiuscunq; nationis sint, unius ecclesie
membra fiant.

Et interstitium macerij diruit.

Pulchra metaphora explicat, quo-
modo ex utrisq; unus populus sit fa-
ctus. Quemadmodū nanq; destructo
macerij interstitio ex duobus hortis,
seu domibus una fit; sic & simultate in-
ter Iudeos, & gentes deposita, una con-
cio ex duabus coaluit.

Simultatem.

Quid per macerij interstitium in-
tellexerit, appositue subiungit, nempe
simultatē. Quam è medio sustulit per
carnem, id est, mortem suam carnalē,
ea nanq; ratione, ut idem Paulus ad He-
breos decimo testatur, utriq; populo
uiam fecit ad cœlum, uidelicet per ue-
lamentum, hoc est, carnem suam pro
nobis oblatam.

D 4 Legem

56 COMMENT. IN EPIST.

Legē mandatorū in decretis sitā abrogans.

Adhuc clarius rem eandem rhetorica expolitione exponit, quid scilicet per interstitium macerie, & simultatis intelligat. Quasi diceret Christus tum maceriae interuallū destruxit, & similitatem, quæ inter Iudæos, & Géteis uidebat, sustulit, quum legem mandatorum in decretis sitam antiquauit. Videlur autem Paulus hēc de lege ceremoniali potissimum loqui, ut sunt ciborum delectus, & circuncisio, quæ gentibus semper exosa fuit, adeò, ut propter illam ingens dissentio in ecclesia Antiocheni exorta sit, ut est uidere Actuum decimoquinto. Quod uero de lege morali intelligendum non puto, hinc fit, quod illa perpetua legislatoris dei uoluntas sit: Ut ex Christi uerbis Matthœi decimo quinto apparet, cum inquit: Non ueni ad abrogandā legem sed

sed complendū. Itē diligēs dñm deum tuū, & proximū tuū, ut te ipsum, ex his enim duobus mādatis, & lex, & prophetæ omnes pendent. Hanc esse Pauli mentem ipsa quoq; uerba haud obscurè prē se ferunt, disertè nanq; dicit: legem in decretis, hoc est, uarijs placitīs & externis ritibus sitam. Proinde duo circa hunc locum docenda esse arbitror. Primum quid, & quatenus abrogatum sit in lege per Christum nēm pe cæremoniæ, & tyrannica legis exactio. Id quod Zwinglius felicissimæ memoriæ in commentarijs suis de uera, & falsa religione, copiosius docet, & nos in annotaciūculis nostris super tertio capite Galatorum pluribus uerbis rem eandem docuimus. Deinde quum Paulus hēc ait: simultatem uiriusq; populi inter se per Christi carnem esse sublatam, hoc commonefa-

D s ciendum

58 COMMENT. IN EPIST.

ciendum puto, Christum secundum diuinam naturam suam, propriè loquēdo, simultatem sustulisse, acomnes in ipsum credentes patri suo reconciliasse; carnem autem ipsius pro nobis in ara crucis mactatam, uictimam pro peccatis nostris factū esse: & alteram quidem naturam per ἀλοιώσιν, id est, commutationem, pro altera sumi, sed interim utriusq; proprietatem accurātē obseruandum esse, propter eos, qui ex illarum cōfusione multas nobis tenebras offundunt. Neq; tamen uelim populum ista altercatione doctorum diutius obtundi, sed utriusq; nature officio ostendo, eidem quām simplicissimè ostendere, quod per Christum ex Iudæis, & Ethnicis credentibus una ecclesia facta sit, & tandem illius beneficio ab æterno supplicio redemptam.

Vt

Vt duos conderet in semepiso in unum nouum.

Ratio est, cur legem ceremoniam, & legis moralis condemnacionem è medio sustulerit, ut, inquit, unus diuersos populos in unum nouum hominem conderet. Nulla enim firma societas inter illos coalescere potuisse, simultatis somite nondum extincto. Atque ita Paulus in summa nihil aliud docere uult, quam quod is, qui olim Abrahæ, & illius posteritatis deus tantummodo fuerit, etiam gentium deus factus sit, adeò ut nos pinde nunc populus illius simus, atque Iudæi, quū testamentum dei de filio suo mūdum à peccatis redempturo, & que nunc ad utrumque populum credentem pertinet. Sic & Petrus Actorum secūdo & tertio cap. ait: Iudæorū quidē propriā fuisse promissionem de Meschia, at à spiritu

60 COMMENT. IN EPIST.

spiritus sancto plenius postea edoctus,
testatur omnes eos peccatorum suo-
rum remissionem accepturos, qui in
Christum crederent, siue Iudæi, siue
gentes essent. Cum itaque ex Pauli, &
Petri loco perspicuum sit, dei testamē-
tum cum Abraham factum æque ad
utrumque populū pertinere, sequitur, ut
quemadmodum Israhelitarū pueri à
testamento, & eius signo non fuerunt
exclusi, sic nec nostri excludantur. Ide-
o quod Anabaptistas iniquè agere, dum in-
fantibus nostris baptismo interdicunt.
Disertè autem Paulus addit, utrumque
populum in nouum hominem condi-
ut illorum obiectionē præoccuparet,
qui obijcerent, per maximā illam gra-
tiæ diuinæ amplificationem nihil ali-
ud efficis Paule, quam ut homines dis-
solutissimè uiuentes, dicant: Christum
peccata ipsorum expiasse, ideo quod lice-
re

re ipsis pro suo arbitrio uiuere. Imò, inquit Paulus, qui in Christū credunt, & re uera de numero populi istius in unum coadunati sunt, nouum hominem induūt, germanicè , sy legend ein anderē rock ann, uitam suam, ac mores aliter instituunt, quàm prius, dum dei, ac ueritatis cognitione uacarent. Neq; em Paulus significare uult, corpora nostra heic innouatum iri, sed animi motus refrenari. Idem nanc; corpus impijs manet, & hereditarius quoque ille morbus, hoc est, propensio ad malum, sed cum animus Christi spiritu imbutus sit, illius ductu, uitio innato repugnant, imò sicubi etiam homo Christianus labitur, resurgit, ac eiusdem spiritus auspicio, ueniam pro delicto precatur, atq; hoc est, quod Paulus disertè addit, in semetipso condidit. Quo fit, ut pijs (teste eodem Paulu-

lo in Rhoman .) omnia in bonum ce-
dant. Hinc iam(ut opinor)facile cer-
nis Christiane lector, quid docendum
sit, nouā quippe uitam homines Chri-
stianos decere. Item quæ differentia
sit inter eos qui à casu, & qui studio, &
de industria peccant.

Et ut reconciliaret ambos.

Explicit quo modo Christus pacē
fecerit inter utrumque populum, uide-
licet corpore suo in ara crucis macta-
to, pro utriusque populi in ipsum con-
fidentis peccatis. Obseruabis autem
crucē hēic per metonymiam pro cru-
cis supplicio accipi, quo Christus affe-
ctus est, ut aliquos ex utroque populo
patri suo reconciliaret. Obseruabis &
hoc, quod paulo ante diximus, secun-
dum quām naturam Christus mortē
obierit, & secundum quam nos (diserte
loquen-

loquendo) cum patre suo in gratiam
redegerit. Postremò ne hoc quidem
silentio prætereas, quod idem Chri-
stus unica corporis sui uictima, proto-
tius mudi peccatis satis fecerit, ideoq;
superuacaneum, & stultum, ne dicam
impium esse, quod rasū nostri sacrificiū
li quotidianis suis sacrificijs Christum
immolare conantur pro uiuorum &
mortuorum peccatis. Siquidem citra
sanguinis effusionem nulla peccatorū
remissio est, ut idē Paulus ad Hebreos
cōtestatur: Tāetsī em̄ illi singant, se car-
nē & sanguinē Christi sub panis & ui-
ni specie offerre: tamē cū illius sanguini
nē p̄ peccatis nō effundat, consentane-
um est, illos peccata nō delere, se fucū
misere plebiculę faciētes, lucro suo stu-

Et ueniens euangelizauit pacem. (dere,

Et copulatiuā cōiunctionem Heb.
loquendi forma, pro causalī existimō
poni.

64 COMMENT. IN EPIST.

poni. Nā causam nanq; reddere uult,
& probare quod Christus utrumq; po-
pulum patri suo recōciliauerit. Nam,
inquit, Euangelizauit pacem uobis, id
est, Euangelium annunciarī præcipit,
iuxta illud Marci ultimo: Ite in uniuer-
sum orbem, & prædicate Euangelium
omni creaturæ &c. Quod itaq; Chri-
stus illic Euangelium: Paulus heīc pa-
cem uocat, idq; ea ratiōe, quod iij, qui
Euangeliū puro corde hauserūt, tran-
quillā, et paratā conscientiā assequant̄,
ita ut neq; mundū, neq; mortem, neq;
satanam ipsum extimescant. Adhæc
quātum ad ipsos pertinet, cum omni-
bus hominibus pacificè uiuūt, nec ulli
us turbæ, tumultus, & belli autores
sunt. Quod autē hæc mala nūc, tēpo-
re restaurati Euangelij increbescunt,
hoc non fit Euangelij, sed hominum
salutarem doctrinā respuentiū uitio:

id

id quod sole clarus est ex ipsius Christi dicto Matthei decimo: Ne putetis, inquit, quod uenerim ad mittendum pacem, sed gladium &c. Porrò de duplicitate pace diuina, & humana prius commonefecimus in Galatis.

Qui procul aberatis.

Id est, gentibus propter idolatriam à deo uero alienis. Qui propè, id est, Iudeis, quorum erant oracula, & promissiones diuine, quibus deo propinquiores erant, quam gentes.

Habemus aditum utriq; &c.

Confirmatio est praecedentis sententiæ quasi diceret: Quemadmodū is qui apud alienum, & fortasse minus benevolum principē negocium pertractandum habet, aulicū aliquē proxenete ^{wgo} ~~genuit~~, id est, licitor) uices agentē conducit, cuius auspicio se in principis favorem insinuet; Sic & Christus prox-

E neta,

66 COMMENT. IN EPIST.

neta, & mediator noster unicus nobis
aditum fecit ad patrem cœlestem, qui
antea ob primorum nostrorum pa-
rentum noxam parum equus nobis e-
rat. In uno spiritu, uidelicet, qui & Iude
os, & Genteis fideleis reddit, ita ut per
causam efficientem fidei, spiritū, rem
effectam, hoc est, fiduciam in Christum
per metonymiā intelligat. Id quod ex
tertio capite Matthei apparet, ubi Ioan-
nes, inquit: Qui autem post me uenit,
baptizabit uos spiritus sancto, & igni.
Et Ioannis decimo sexto capite ubi Chri-
stus ait: Quum uenerit ille, qui est spiri-
tus ueritatis, ducet uos in omnem ueri-
tatem. Deniq; ex prima epistola Ioan-
nis secundi capituli: Sed uos unctionem
habetis à sancto illo, & nostis omnia.
Quum itaq; spiritus sanctus, & fiducia
in deum patrem, & filium, nō sit huma-
narum uirium, rursus patet nullum es-
se

se meritum de congruo, ut Sophistæ
ganniunt.

Iam igitur non est s' hospites &c.

Epilogus est particularis totius secū
di capitil. Quum eī supra probasset,
Ephesios, atq; ad eō omneis Genteis, o
lim à rep. Israhelis alienas fuisse, Chri
sti autem beneficio, eiusdem populi
ciuitate donatas: nunc concludit, com
pendiosius id repetens, quod copiosius
supra tractauerat.

Sed concives sanctorum &c.

Disertè dicit concives sanctorum,
ne quis somniet, carnalis Israhelis ciuita
tem. Quod autem Paulus de spirituali
Israhelis ciuitate loquatur, ex ipsius epi
stola ad Hebraeos capite duodecimo li
quet, ubi ait: Accessistis ad montem zi
on, & ad ciuitatem dei uiuentis, Hieru
salem coelestem, & ad innumerabilium
angelorum cœtum, & ad concionem

E 2 primo.

68 COMMENT. IN EPIS T.

primogenitorum. Et ex quarto capite Galat. Superna autem Hierusalem libera est, quæ omnium nostrum est mater. Hinc igitur docebis, solis credentibus in Christum Iesum aditum in cœlestem Hierusalem, & in sancta sanctorum patere, hoc est, quod sola fiducia in Christum Iesum, nobis uiam ad cœlestem ciuitatem assequendam, faciat.

Domestici dei.

Per interpretationem rhetorican elegantibusq; epithetis hoc repetit, quod supra dixerat: uidelicet genteis in christianismo Iudeis pares esse fratres. Atq; hoc est, quod Petrus in priore sua epistola capite secundo genteis alloquens dicit: Vos autem genus electum, regale sacerdotium, gens sancta, populus qui in acquisitionem accessit. Quibus sanè uerbis nihil aliud significare uult, quam Christianos nūc eque peculum

peculiū dei, & sacerdotes spiritualeis,
ac reges esse, ac Israhelitica olim gens
partim secundū carnem, partim secun-
dum spiritum, fuit. Gentem deniq; san-
ctam, & populum, qui pretioso Chri-
sti sanguine redemptus sit: quum olim
(ut Ozeas capite secundo inquit) non
dei populus fuerit.

superstructi &c

Quum supra interstitij inter duas
contignas domos diruti, & modo do-
mesticorū meminisset, pulchrè in me-
taphora cœpta perstat. Quasi diceret,
quum dixerim interuallum macerij di-
rutū, & uos dei domesticos esse factos
necessum erit, ut fundamentum quo
dominus, hoc est, ecclesia dei nititur de-
mostrem. Nisi malis coniunctionem
causalem Hebraica consuetudine omis-
sam, tum is sensus erit, & in idem cum
superiore redibit: Estis cōciues sancto-

E 5 ruin

70 COMMENT. IN EPIST.

rum, & domestici dei, nā fundati estis.

super fundamentū apostolorū & prophetarū.

Id est, super hoc fundamentum, quod Apostoli à Christo emissi, sua prædicatione iecerūt: & quod diuini uates multis retrò seculis prædixere.

summo angulari lapide.

Scilicet existente. Porro ne quis putaret fidei nostrę fundamentum super arenam, hoc est, Apostolos, & Prophetas, homines humana quoq; infirmitate circundatos, esse structum: seipsum declarat, dicens: Christū structuræ nos trę lapidem angularem, & summum, hoc est, ecclesię authorē & principem esse, quę admodum supra ad finem capit is secundi docuit. Hęc docere poteris: primum quod David iam olim psalmo centesimo decimo septimo prædixerit, futurū ut increduli Iudei Christum lapidem angularem reiecturi essent, id

quod

quod Christus Matthēi uicesimo pri-
mo citat. Deinde legis, & Prophetarū
uaticinia de Christo salutari nostro fun-
damento adducere potes : de quibus
Genēsis duodecimo & decimoquinto,
Esaię capite uicesimo octauo, Psalmō
centesimo decimoseptimo. Tertio
Christum unicam salutis nostrę basim,
& fundamentū esse, quidquid tandem
papistę de ecclesię fundamēto super Pe-
trum iacto, mentiantur. Verum enim
& immobile hoc est, quod Paulus heīc
de angulari lapide scribit , & Petrus
Auctorū quarto inquit : Non est in alio
quoquam salus. Nec em̄ aliud nomen
est sub cœlo datum inter homines, per
quod, oporteat nos saluos fieri . Qua-
dere copiosius differentē Zwinglium
nostrum uide de religione uera & falsa
in titulo, de ecclesia.

E 4 In

In templum sanctum in domino.

Disertè dicit, crescit in templū, propter ea quod de fide, in fidem (ut alibi inquit) proficiamus. Perstat autem adhuc in cœpta translatione. Quum eī dixisset Ephesios, adeoq; omnis gentileis, Apostolorum, & Prophetarū, fundamento, utpote angulari lapidi Christo superstructos esse: Cōmodè infert nunc, quale edificiū mole ducatur, nepe templum in domino sanctum, hoc est, fidele cor, quod domini habitaculum est, iuxta illud primo Corinthiorū sexto: Nescitis, quod membra uestra templum sunt spiritus sancti, qui in uestib; habitat: Adhunc Pauli locum intellegendum facitis, qui est ab initio secūdi capitū prioris epistole Petrinæ qui sicut habet: Ad quem scilicet dominum accedentes, qui lapis est uiuus, ut ipsi quoq; ueluti uiui lapides edificemini, domus

domus spiritualis &c. Vnde quid & di-
scendum & docendū sit Christiane le-
ctor facile uides: nimrū qđ quū Chri-
stiani spirituale templū dei sint, operā
quoqđ dent, ut gliscētes affectus cordis
(in quo deus habitat) statim auxilio spi-
ritus sancti reprimāt: néue ullis pecca-
torū sordibus illud sanctū dei habitacu-
lum conspurcent, ac prophanent.

In quo & uos coëdificamini.

Quid per templū sanctū intelligat,
subiungit, quū dicit, in habitaculū dei
per spiritū. Quasi diceret, coëdificami-
ni inquam nō in carnale, sed spirituale
dei templū. Mente nāqđ uestrā per spi-
ritū sanctū iam diuinā factā inhabitat,
quę antea ipsius cognitiōe uacabat. At-
qđ ita uides Paulū per totū cap. 2. in hoc
esse, ut doceat, quomodo ex Iudeis, &
gentib⁹ una ecclesia facta sit.

E 5 Caput